

Venres, 14 de xaneiro de 2022

Núm. 9

ADMINISTRACIÓN LOCAL**PROVINCIAL****DEPUTACIÓN PROVINCIAL****Outros documentos, notificacións e informacións públicas**

BASES REGULADORAS E CONVOCATORIA DO PROCEDEMENTO DE ADHESIÓN DE CENTROS DE FP CON CICLOS MEDIOS DA PROVINCIA DE PONTEVEDRA PARA A FORMACIÓN DUN CONSORCIO DE MOBILIDADE DENTRO DO PROXECTO QUE SE PRESENTARÁ NA CONVOCATORIA ERASMUS+2022

RESOLUCIÓN PRESIDENCIAL

EXPEDIENTE	2021064912
ASUNTO	BASES REGULADORAS E CONVOCATORIA DO PROCEDEMENTO DE ADHESIÓN DE CENTROS DE FP CON CICLOS MEDIOS DA PROVINCIA DE PONTEVEDRA PARA A FORMACIÓN DUN CONSORCIO DE MOBILIDADE DENTRO DO PROXECTO QUE SE PRESENTARÁ NA CONVOCATORIA ERASMUS+ 2022.
TRÁMITE	RP aprobación das bases reguladoras e convocatoria

MCC

A Deputada Delegada, en virtude das competencias delegadas da presidencia en materia de proxectos europeos, dita a seguinte

RESOLUCIÓN:

Visto o informe do xefe do servizo de Promoción de emprego e Desenvolvemento Local de data 4 de xaneiro de 2022 que literalmente di:

“ANTECEDENTES DE FEITO

PRIMEIRO.- O Servizo de Promoción do Emprego e Desenvolvemento Local aposta pola adopción de accións e a execución de programas concretos nas esferas económica e social que se axusten aos Obxectivos de Desenvolvemento Sostible (ODS) e que de forma especial contribúan á súa consecución. Con esta meta o servizo establece uns eixos estratéxicos de actuación no seu horizonte de traballo baseados na orientación e inserción laboral, a formación para o emprego, o emprendemento e o autoemprego e a igualdade para o emprego e o empoderamento da muller, entre outros. Estes eixos estratéxicos están fundamentalmente aliñados co Obxectivo 8 da Axenda 2030: Promover o crecemento económico sostido, incluso e sostible, o emprego pleno e produtivo e o traballo decente para todas as persoas. Así mesmo, os eixos estratéxicos do servizo deberán estar aliñados cos obxectivos e retos definidos no Plan de Recuperación Transformación e Resiliencia, a través dos Fondos Next Generation, que determinarán a evolución futura do país.



Venres, 14 de xaneiro de 2022

Núm. 9

SEGUNDO.- A Xunta de Goberno na súa sesión ordinaria do día 26 de novembro de 2021, adoptou, entre outros, o acordo (nº 27.31030) de aprobación do “Plan de fomento da capacitación do capital humano” na provincia de Pontevedra. Este plan consta de distintos programas ou liñas de actuación que perseguen impulsar as perspectivas laborais e de desenvolvemento persoal, a mellora da ocupabilidade e inserción laboral, fomentar a cultura emprendedora, mellorar as taxas de supervivencia de proxectos emprendedores que teñan como fin o autoemprego e ofrecer un servizo integral de información e orientación sobre oportunidades de mobilidade europea e de xeito transversal, contribuír a reducir a desigualdade.

TERCEIRO.- Un dos programas que se contemplan poñer en marcha no ámbito do citado plan son os programas de mobilidade para o emprego. O obxecto global consiste en impulsar as perspectivas laborais e de desenvolvemento persoal, así como proporcionar unha aprendizaxe que unido á ensinanza doten ás persoas das capacidades necesarias para a súa inserción no mercado laboral. Isto acádase a través de prácticas laborais en empresas e institucións estranxeiras dirixidas a estudantes graduados de Formación Profesional de ciclos medios pertencentes a distintas familias profesionais.

Polo que, a Deputación de Pontevedra pretende continuar e impulsar o desenvolvemento de proxectos de mobilidade liderando novos proxectos destinados a cubrir as necesidades en materia de capacitación do capital humano mediante a súa presentación ás convocatorias correspondentes.

NORMATIVA APLICABLE

- Lei 7/1985 do 2 de abril Reguladora das Bases do Réxime Local.
- Resolución Presidencial con nº de rexistro 2019012988 de data 15/07/2019 a través da que se delegan as competencias en materia de proxectos europeos en D^a Iria Lamas Salgueiro.
- Resolución Presidencial con nº de rexistro 2019014186 de data 01/08/2019 a través da que se resolve concretar as atribucións nos distintos centros e áreas de servizo nas que se estrutura a Deputación, a través da que se concretan a as atribucións de D^a Iria Lamas Salgueiro en materia de proxectos europeos, coordinando as solicitudes de fondos europeos e a execución de proxectos.

Ase mesmo, tratándose dun proxecto cofinanciado polo programa Erasmus+ da UE atenderase á seguinte normativa:

- Regulamento (UE) Nº 1288/2013 do Parlamento Europeo e do Consello de data 11 de decembro do 2013, pola que se crea o programa “Erasmus+”, programa de educación, formación, xuventude e deporte da Unión Europea e polo que se derrogan as Decisións 1719/2006/CE, 1720/2006/CE e 1298/2008/CE.
- Convocatoria de propostas 2022 do programa ERASMUS+ (EAC/A09/2021) publicada no Diario Oficial da Unión Europea C473/23 do 24 de novembro de 2021.
- Guía do Programa Erasmus+ (Erasmus+ Programme Guide).



Venres, 14 de xaneiro de 2022

Núm. 9

FUNDAMENTOS XURÍDICOS E TRATAMENTO TÉCNICO

PRIMERO.- O 24 de novembro de 2021 publicouse no Diario Oficial da Unión Europea nº C 473/23 a Convocatoria de Propostas 2022-EAC/A09/2021 Programa Erasmus+ (2021/C473/09), ao abeiro do Regulamento (UE) Nº 2021/817 do Parlamento Europeo e do Consello, de data 20 de maio do 2021, pola que se establece o “Erasmus+”, o Programa da Unión para a educación e a formación, a xuventude e o deporte, e se deroga o Regulamento (UE) nº 1288/2013. O prazo para a presentación de solicitudes finaliza o 23 de febreiro de 2022 ás 12:00 horas.

SEGUNDO.- Segundo o establecido na Guía do Programa Erasmus, que forma parte integrante das Convocatoria de propostas do programa Erasmus+, só as organizacións que posúan unha acreditación Erasmus para coordinadores de consorcios de mobilidade poden solicitar proxectos acreditados para a mobilidade de estudantes e persoal de educación e formación profesionais, non sendo necesario que os demais membros do consorcio dispoñan dunha acreditación Erasmus.

Considerando este feito, a Deputación de Pontevedra solicitou ao SEPIE a concesión da Acreditación Erasmus no ámbito da Formación Profesional. A Dirección do Servicio Español Para la Internacionalización de la Educación (SEPIE), en calidade de axencia nacional, emitiu resolución definitiva de data 12 de abril de 2021 pola que se publican os listados de solicitudes seleccionadas, rexeitadas e excluídas para a Acreditación Erasmus (KA120) nos ámbitos da Educación de Persoas Adultas, a Formación Profesional e a Educación Escolar, para o período 2021-2027, correspondente á Convocatoria de Acreditación Erasmus (EAC/A02/2020, Diario Oficial da Unión Europea C 178 de 28 de maio de 2020), resultando a solicitude presentada pola Deputación de Pontevedra seleccionada e emitíndose a Acreditación 2020-1-ES01-KA120-VET-095382.

A adxudicación da Acreditación Erasmus confirma que o solicitante estableceu un plan para levar a cabo actividades de mobilidade de alta calidade e utilízalas para mellorar a súa oferta de educación e formación, neste caso dos centros educativos que forman parte do consorcio de mobilidade. Dito plan denomínase Plan Erasmus e a través do cal a Deputación de Pontevedra poderá seguir avanzando nos proxectos de mobilidade cunha estratexia propia a longo prazo. De igual xeito, as organizacións acreditadas disporán de acceso simplificado ás oportunidades de financiamento da Acción Clave 1 do programa para o período 2021-2027 e poderán solicitar proxectos acreditados para a mobilidade de estudantes e persoal de educación e formación profesionais baseados en consorcios de mobilidade.

TERCEIRO.- A Guía do Programa Erasmus no punto Mobilidade para estudantes e persoal de educación e Formación Profesional integrado no apartado referente á Acción Clave 1: Mobilidade educativa das persoas establece que poden ter acceso ás oportunidades de mobilidade de Erasmus+ os provedores de EFP e outras organizacións activas na educación e a formación profesional a través de dúas vías. Unha delas son os proxectos acreditados para a mobilidade dos estudantes e do persoal que están abertos exclusivamente ás organizacións que contan cunha acreditación Erasmus no ámbito da educación e a formación profesionais.



Venres, 14 de xaneiro de 2022

Núm. 9

As anteriores organizacións pódense sumar ao programa sen presentar una solicitude uníndose a un consorcio de mobilidade Erasmus+ existente dirixido por un coordinador dun consorcio acreditado no seu país que acepte novos membros no seu consorcio.

CUARTO.- En consecuencia, considerando os fitos acadados e a condición da Deputación de Pontevedra como entidade recoñecida coa Acreditación Erasmus, procede a aprobación das bases reguladoras e da convocatoria do procedemento de adhesión de centros de FP con ciclos medios da provincia de Pontevedra para a formación dun consorcio de mobilidade co obxecto de presentar unha nova proposta ao SEPIE (Servicio Español Para la Internacionalización de la Educación) dentro da Convocatoria de Propostas 2022-EAC/A09/2021 do Programa Erasmus+.

En base aos antecedentes e normativa aplicable, estímase que o expediente é xuridicamente correcto, foi tramitado segundo o procedemento establecido e posúe como finalidade a aprobación e publicación das bases reguladoras e da convocatoria do procedemento de adhesión de centros de Formación Profesional con ciclos medios da provincia de Pontevedra para a formación dun consorcio de mobilidade que se presentará na convocatoria Erasmus+ 2022.

Polo anteriormente exposto, en base aos antecedentes e normativa aplicable, EMÍTESE o presente informe e PROPONSE á Presidencia a aprobación e a publicación das bases reguladoras e a convocatoria do proceso de adhesión de centros de FP con ciclos medios da provincia de Pontevedra para a formación dun consorcio de mobilidade dentro do proxecto que se presentará na convocatoria Erasmus+ 2022 conforme ao detalle do documento da convocatoria que se achega ao presente informe.”

Visto o precedente informe-proposta, en base aos antecedentes e fundamentos xurídicos sinalados na mesma e a normativa aplicable, e considerando que se cumpren todos os requisitos legais para a aprobación e publicación das bases reguladoras e convocatoria e, de conformidade co disposto na Resolución Presidencial nº 2019014186, de 01 de agosto de 2019, de delegación de competencias da Presidencia e as catro modificacións (RPs de datas 10/01/2020, 11/03/2020, 18/05/2020 e 27/09/2021),

RESOLVO

1.- Aprobar as bases reguladoras e a convocatoria do procedemento de adhesión de centros de FP con ciclos medios da provincia de Pontevedra para a formación dun consorcio de mobilidade dentro do proxecto que se presentará na convocatoria Erasmus+ 2022 cuxo teor literal é o seguinte:

“BASES REGULADORAS E CONVOCATORIA DO PROCEDIMENTO DE ADHESIÓN DE CENTROS DE FP CON CICLOS MEDIOS DA PROVINCIA DE PONTEVEDRA PARA A FORMACIÓN DUN CONSORCIO DE MOBILIDADE DENTRO DO PROXECTO QUE SE PRESENTARÁ NA CONVOCATORIA ERASMUS+ 2022.



Venres, 14 de xaneiro de 2022

Núm. 9

INTRODUCCIÓN

A Asemblea Xeral da ONU adoptou o 25 de setembro de 2015 a Axenda 2030 para o Desenvolvemento Sostible, un referente ético e operativo que debe inspirar a acción de todos os gobernos e da propia cidadanía ao cal se acolleu España e cuxas prioridades impregnan desde hai un tempo todas as políticas e programas que desenvolve a Deputación de Pontevedra para mellorar o benestar e a calidade de vida dos habitantes da provincia.

A través do servizo de Promoción do Emprego e Desenvolvemento Local, apóstase pola adopción de accións e a execución de programas concretos nas esferas económica e social que se axusten aos Obxectivos de Desenvolvemento Sostible (ODS) e que de forma especial contribúan á súa consecución. Con esta meta o servizo establece uns eixos estratéxicos de actuación no seu horizonte de traballo baseados na orientación e inserción laboral, a formación para o emprego, o emprendemento e o autoemprego e a igualdade para o emprego e o empoderamento da muller, entre outros. Estes eixos estratéxicos están fundamentalmente aliñados co Obxectivo 8 da Axenda 2030: Promover o crecemento económico sostido, inclusivo e sostible, o emprego pleno e produtivo e o traballo decente para todas as persoas. Así mesmo, os eixos estratéxicos do servizo deberán estar aliñados cos obxectivos e retos definidos no Plan de Recuperación Transformación e Resiliencia, a través dos Fondos Next Generation, que determinarán a evolución futura do país.

En consecuencia, a Xunta de Goberno da Deputación Provincial na súa sesión ordinaria do día 26 de novembro de 2021, adoptou, entre outros, o acordo (nº 27.31030) de aprobación do “Plan de fomento da capacitación do capital humano” na provincia de Pontevedra. Este plan consta de distintos programas ou liñas de actuación que perseguen impulsar as perspectivas laborais e de desenvolvemento persoal, a mellora da ocupabilidade e inserción laboral, fomentar a cultura emprendedora, mellorar as taxas de supervivencia de proxectos emprendedores que teñan como fin o autoemprego e ofrecer un servizo integral de información e orientación sobre oportunidades de mobilidade europea e de xeito transversal, contribuír a reducir a desigualdade.

Entre os programas que se pretenden poñer en marcha neste ámbito encóntranse os programas de mobilidade para o emprego impulsados pola iniciativa Erasmus+, que é un Programa da Unión Europea (UE) que entrou en vigor o 1 de xaneiro de 2014. Este programa trata de impulsar as perspectivas laborais e de desenvolvemento persoal así como proporcionar unha aprendizaxe que unido á ensinanza doten ás persoas das capacidades necesarias para a súa inserción no mercado laboral. A Deputación de Pontevedra leva desenvolvendo dende o ano 2015 proxectos de mobilidade para estudantes e persoal de educación e formación profesionais que se presentan ás convocatorias anuais do mencionado programa.



Venres, 14 de xaneiro de 2022

Núm. 9

En consecuencia ao anterior, co obxecto de continuar e impulsar a labor integradora en todo o territorio da provincia, a Deputación de Pontevedra vai liderar un novo proxecto destinado a cubrir as necesidades en materia de capacitación do capital humano cumprindo co mandato contido no artigo 36.1.d) da Lei 7/1985, de 2 de abril, reguladora das bases do réxime local (en diante, LRBRL), que regula a cooperación no fomento do desenvolvemento económico e social e na planificación no territorio provincial, de acordo coas competencias das demais administracións públicas neste ámbito.

Este proxecto presentarase dentro da Acción Clave 1 (KA1) “Mobilidade das persoas por motivo de aprendizaxe” do Programa Erasmus e cuxas características propias son as seguintes:

- **Obxectivo global:** levar a cabo un programa de mobilidade de estudantes graduados de Formación Profesional de ciclos medios pertencentes a distintas familias profesionais co fin de colaborar na súa integración no mundo laboral, a través de prácticas laborais en empresas e institucións estranxeiras.
- **Participantes:** estudantes graduados de Formación Profesional de ciclos medios pertencentes a distintas familias profesionais e persoal docente dos mesmos, correspondentes a persoal para a formación e visitas preparatorias. As persoas participantes son seleccionadas previamente polos centros educativos da provincia de Pontevedra pertencentes ao consorcio de mobilidade.
- **Duración e prazo de desenvolvemento do programa:** Todos os proxectos acreditados terán unha duración inicial de 15 meses. Ao cabo de 12 meses, todos os beneficiarios terán a posibilidade de prolongar o seu proxecto ata unha duración total de 24 meses, sen prexuízo da posible ampliación de prazo que autorice o SEPIE. Estímase que a estadias dos estudantes faranse ao longo de catro períodos a concretar.
- **Ámbito de actuación do proxecto:** Irlanda, Italia, Portugal, Malta, Alemaña, Grecia, Finlandia, Países Baixos.

Non obstante o anterior, as persoas beneficiarias poderán realizar a mobilidade nun dos países do programa Erasmus+ distinto aos contemplados no ámbito de actuación do proxecto. Isto inclúe países pertencentes á Unión Europea (Austria, Bélxica, Bulgaria, Chipre, Croacia, República Checa, Dinamarca, Eslovaquia, Eslovenia, Estonia, Francia, Hungría, Letonia, Lituania, Luxemburgo, Polonia, Romanía e Suecia) así como países non pertencentes á mesma (República de Macedonia do Norte, Islandia, Liechtenstein, Noruega, Turquía e Serbia).

A elección do país de destino é unha decisión que depende das persoas participantes do proxecto en función das súas necesidades de aprendizaxe, obxectivos de desenvolvemento profesional e áreas específicas de interese.



Venres, 14 de xaneiro de 2022

Núm. 9

En congruencia cos principios informadores da Unión Europea e co principio de autonomía provincial, consagrado nos artigos 137 e 141 da Constitución, correspóndelles ás Deputacións a decisión de definir as prioridades na execución das distintas liñas de actuación en relación ao fomento do desenvolvemento económico e social no territorio provincial, adecuándoas ás especificidades e necesidades da poboación, dentro dos límites establecidos para o debido control e vixilancia do uso dos recursos públicos.

Por todo isto, a Deputación de Pontevedra, no uso das competencias e atribucións que ten asignadas pola vixente LRBRL, de conformidade co disposto nas convocatorias da Comisión Europea, convoca o presente proceso de adhesión, dirixido a centros de FP da provincia de Pontevedra que impartan especialidades de grao medio.

En relación co exposto, confecciónanse a presente convocatoria en base ás seguintes cláusulas:

1.- OBXECTO

A Deputación de Pontevedra abre a presente convocatoria coa finalidade de acadar a adhesión de centros de FP da provincia de Pontevedra que impartan especialidades de grao medio e formación profesional básica para formar un consorcio de mobilidade co obxecto de presentar de forma conxunta unha solicitude ao SEPIE (Servicio Español para la Internacionalización de la Educación) dentro da convocatoria Erasmus+ 2022, de xeito que o alumnado recentemente titulado en ciclos medios de FP, docentes e persoal dos centros adheridos realicen prácticas laborais en países do programa Erasmus +.

2.- CENTROS DESTINATARIOS

Os centros destinatarios desta convocatoria son institucións educativas e demais provedores de Formación Profesional que impartan especialidades oficiais de grao medio e formación profesional básica situados no ámbito xeográfico da provincia de Pontevedra.

Os centros que presenten a súa solicitude pasarán a formar parte dun consorcio de mobilidade coa finalidade de presentar de forma conxunta unha solicitude ao SEPIE (Servicio Español para la Internacionalización de la Educación) dentro da Convocatoria de Propostas 2022-EAC/A09/2021 Programa Erasmus+ (2021/C473/09), ao abeiro do Regulamento (UE) N° 2021/817 do Parlamento Europeo e do Consello, de data 20 de maio do 2021, pola que se establece o “Erasmus+”, o Programa da Unión para a educación e a formación, a xuventude e o deporte.

3.- REQUISITOS DOS CENTROS SOLICITANTES

Os centros deberán cumprir os seguintes requisitos:

- Estar situados no ámbito xeográfico da provincia de Pontevedra.
- Impartir ensinanza oficial de Formación Profesional Básica ou Ciclos Formativos de Grao Medio.
- Constar como inscritos no Registro Estatal de Centros Docentes no Universitarios (RCD).



Venres, 14 de xaneiro de 2022

Núm. 9

Quedan excluídos desta convocatoria e, por tanto, non poderán formar parte do consorcio:

- Centros educativos que non impartan ciclos medios de FP oficialmente acreditados pola Consellería de Educación, Universidade e Formación Profesional.
- Centros educativos localizados fóra do ámbito xeográfico da provincia de Pontevedra.
- Centros educativos que non presenten a solicitude en forma e prazo.
- Centros educativos que non acepten e cumpran os criterios de selección das persoas bolseiras.
- Centros educativos que non cumpran coa demais normativa aplicable á próxima convocatoria de propostas.

4.- INCOMPATIBILIDADE

Segundo o establecido na Guía do Programa Erasmus, que forma parte integrante da Convocatoria de propostas Erasmus+ 2022-EAC/A09/2021 publicada no Diario Oficial da Unión Europea nº C 473/23 de 24 de novembro de 2021, as organizacións que participen nun consorcio de mobilidade poden recibir financiamento dun máximo de dous convenios de subvención no marco da acción crave 1 no ámbito da educación e a formación profesionais na mesma convocatoria de propostas. Por conseguinte, as organizacións de FP que reciban unha subvención para un proxecto de curta duración ou un proxecto acreditado só poden participar nun consorcio de mobilidade de FP como organizacións membros. O resto de organizacións poden participar en ata dous consorcios de mobilidade.

5.- PRAZO

O prazo de presentación das solicitudes de adhesión é de 10 días hábiles contados a partir do día seguinte ao da publicación desta convocatoria no Boletín Oficial da Provincia de Pontevedra (BOPPO).

6.- SOLICITUDES

As solicitudes presentaranse obrigatoriamente por medios electrónicos a través do formulario normalizado dispoñible na sede electrónica da Deputación de Pontevedra, <https://sede.depo.gal>.

Para a presentación das solicitudes, a sede electrónica da Deputación de Pontevedra admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluíndo o DNIE).



Venres, 14 de xaneiro de 2022

Núm. 9

7.- COMPROBACIÓN DE DATOS

Para a tramitación das solicitudes consultarase automaticamente os datos incluídos nos seguintes documentos elaborados polas administracións públicas:

- Verificación do NIF da entidade solicitante
- DNI/NIE das persoas representantes
- Rexistro Estatal de Centros Docentes non Universitarios (RCD)

8.- TRÁMITES ADMINISTRATIVOS POSTERIORES Á PRESENTACIÓN DE SOLICITUDES E EMENDA DAS SOLICITUDES

Todos os trámites administrativos que as persoas interesadas deban realizar durante a tramitación deste procedemento deberán ser realizados electronicamente a través do modelo “Instancia xenérica”, dispoñible na sede electrónica da Deputación de Pontevedra <https://sede.depo.gal>

Se a solicitude non reúne os requisitos esixidos na convocatoria ou calquera dos previstos no artigo 66 da LPACAP requiriráselle á persoa interesada, de conformidade co establecido no artigo 68 desta, para que, nun prazo de 10 días hábiles, emende as faltas ou presente os documentos preceptivos, indicándolle que, no caso de non o facer, se desistirá da súa solicitude, que se arquivará sen máis trámites.

9.- SELECCIÓN

Seleccionaranse todos os centros de FP que o soliciten e que cumpran os requisitos de acordo con esta convocatoria e demais requisitos legais establecidos na lei. Non obstante, debido ao descoñecemento do número de solicitudes que se van presentar, así como do número e duración das mobilidades que asignará o SEPIE, a Deputación de Pontevedra non pode garantir un número exacto das mesmas. Unha vez que o SEPIE aprobe o proxecto e a cantidade de mobilidades subvencionadas, as bolsas asignarase de forma proporcional, tendo en conta os criterios mencionados e intentando garantir un mínimo por centro. No caso de que o número de mobilidades aprobadas polo SEPIE non cubra ese mínimo por centro, o total de prazas asignarase de xeito proporcional ao solicitado, respectando que cada centro teña, polo menos, unha mobilidade. A Deputación proporá o reparto de mobilidades baseándose nos factores mencionados, e este criterio estará suxeito á decisión dos membros do consorcio que se forme, que constará nunha acta redactada para ese efecto.

Os centros educativos cuxo alumnado titulado renuncie á mobilidade despois da aceptación poderán ser penalizados coa conxelación ou a redución do número de mobilidades totais.

Para aquelas mobilidades que quedasen sen asignar e para as que non exista acordo, a Deputación determinará, por motivos de estratexia e xestión do proxecto, as familias e os centros elixidos, despois dunha reunión con todos os centros para consensuar os criterios que se seguirán para tomar esa decisión.



Venres, 14 de xaneiro de 2022

Núm. 9

O desenvolvemento efectivo das mobilidades queda suxeito á aprobación definitiva do proxecto por parte do SEPIE.

10.- CONFORMACIÓN DO CONSORCIO DE MOBILIDADE

As organizacións que contén cunha acreditación Erasmus válida no ámbito da educación e a formación profesional como entidades coordinadoras dun consorcio de mobilidade son admisibles para presentar solicitudes de proxectos. A Deputación de Pontevedra conta con esta acreditación e en consecuencia presentará o proxecto en nome dos centros do consorcio. Non é necesario que os membros do consorcio teñan unha acreditación Erasmus.

Unha vez seleccionados os centros de FP definitivos debe conformarse o consorcio de mobilidade a través da sinatura dos correspondentes mandatos, polos que os centros educativos autorizarán ao coordinador deste consorcio, a Deputación de Pontevedra, a enviar en nome da organización a solicitude de fondos do proxecto no marco do programa Erasmus+ á axencia ES01 Servicio Español para la Internacionalización de la Educación (SEPIE) en España (Axencia Nacional).

Cada consorcio debe estar formado como mínimo por unha organización de envío, ademais do coordinador, que impartan formación dentro do ámbito da FP definido para a acción KA121 (Formación Profesional Básica, Formación Básica Adaptada, Ciclos Formativos de Grao Medio, estudos de Grado Medio de ensino de réximes especiais (arte, música e deportes), FP Dual de Grao Medio e cursos que conducen á obtención de Certificados de Profesionalidade dos niveis I, II e III.

A formación do consorcio queda supeditada á aprobación do proxecto. Este consorcio durará desde a súa formación ata a data de finalización do proxecto correspondente, sen prexuízo da posible ampliación de prazo que autorice o SEPIE.

11.- CONCESIÓN DO PROXECTO

Unha vez presentada a solicitude de fondos a través do presente proxecto, o SEPIE deberá resolver segundo o seu propio procedemento. En caso de que o proxecto solicitado sexa concedido e financiado pola Axencia Nacional, a Deputación de Pontevedra asinará en nome das organizacións representadas o convenio de subvención e subsecuentes emendas coa dita axencia.

As organizacións que contén cunha Acreditación Erasmus de educación e formación profesionais, como é o caso da Deputación de Pontevedra, poden solicitar financiamento como parte dunha liña especial de fondos á que só poden acceder elas. As solicitudes baséanse no plan Erasmus aprobado previamente, polo que no momento de solicitar financiamento non se require unha lista e unha descrición detalladas das actividades previstas. No seu lugar, as solicitudes céntranse na estimación do orzamento necesario para o próximo conxunto de actividades.



Venres, 14 de xaneiro de 2022

Núm. 9

A financiación recibida do programa Erasmus debe contribuir a prover de oportunidades de mobilidade de aprendizaxe ás persoas e apoiar o desenvolvemento das institucións educativas e outras organizacións involucradas. Estes obxectivos desenvólvense a través do “Plan Erasmus”, un plan que liga as actividades de mobilidade coas necesidades e os obxectivos das organizacións que conforman o consorcio de mobilidade. De este xeito, os recursos orzamentarios concedidos ao proxecto débense destinar á consecución dos obxectivos do mencionado plan que se concretan nos tres seguintes:

- Obxectivo 1. Mellorar a empregabilidade do alumnado de Formación Profesional, ampliando e reforzando os seus coñecementos e capacidades grazas á experimentación nunha empresa dun país estranxeiro.
- Obxectivo 2. Fomentar o intercambio de metodoloxías e boas prácticas do profesorado dos centros consorciados cos seus homólogos a nivel europeo.
- Obxectivo 3. Proxectar ao consorcio e a cada un dos seus membros a nivel internacional para lograr unha implicación nun maior número de proxectos de cooperación a nivel internacional.

12.- OBRIGAS DOS CENTROS ADHERIDOS

- Aceptar os termos e condicións do convenio de subvención que asine a Deputación de Pontevedra co SEPIE e, en particular, todas as disposicións que afecten ao coordinador e aos outros beneficiarios.
- Seleccionar ao alumnado e a docentes e persoal beneficiario en base aos criterios establecidos no anexo I de conformidade co reparto realizado nas reunións de seguimento do proxecto.
- Achegar as actas de selección das persoas beneficiarias así como a constancia documental do proceso levado a cabo como mínimo 3 meses antes das mobilidades seguindo os criterios de valoración esixidos no anexo I.
- Asegurarse de que as persoas que realicen as mobilidades cumpran con todas as cláusulas do convenio de subvención, incluíndo cuestionarios que poida facilitar a Deputación así como dando difusión no centro educativo das mobilidades realizadas e experiencias vividas.
- Nas mobilidades de docentes deberase achegar o programa de traballo planificado no país de acollida cunha antelación suficiente para poder xestionar a mobilidade.
- Facilitar xunto coas actas de selección un listado de persoas suplentes por mobilidade (tanto de alumnado como de profesorado) para posibles baixas ou incidencias que poidan acontecer.
- Asistir ás reunións do consorcio de mobilidade que convoque a Deputación de Pontevedra.
- Cumprir coa normativa en materia de comunicación e publicidade do SEPIE en canto á utilización de logotipos nos materiais de difusión e ao recoñecemento da cofinanciación dos fondos polo programa Erasmus+.



Venres, 14 de xaneiro de 2022

Núm. 9

- Cumprir coa demais normativa aplicable á próxima convocatoria de propostas, así como á convocatoria de acreditación — EAC/A02/2020 Acreditación Erasmus nos ámbitos da educación de adultos, a educación e a formación profesionais e a educación escolar (2020/C178/04).
- Cooperar e facilitar a consecución dos obxectivos establecidos no Plan Erasmus, para o cal e no seu caso, deberán seguir as directrices establecidas pola Deputación de Pontevedra en calidade de organización coordinadora do consorcio de mobilidade.
- Crear unha conta no sistema de rexistro de organizacións de Erasmus+ e o Corpo Europeo de Solidariedade, salvo que o solicitante xa posúa unha conta. As contas EU Login poden crearse no sitio web:

<https://webgate.ec.europa.eu/erasmus-esc/home/organisations/register-my-organisation>.

Unha vez finalizado o rexistro, o solicitante obterá un código de identificación de organización (OID) que será necesario para incluír ou centro na solicitude presentada polo consorcio de mobilidade.

O incumprimento dos requisitos descritos nesta convocatoria así como a cancelación inustificada das mobilidades de docentes e alumnado poderá dar lugar á non inclusión en futuros consorcios de mobilidade.

13.- RESOLUCIÓN

A relación provisional dos centros adheridos publicarase no prazo máximo dun mes no BOPPO. Así mesmo, poderá publicarse no taboleiro de anuncios da Deputación e na páxina web da Deputación de Pontevedra www.depo.gal.

O prazo para presentar alegacións será de dez días naturais. Logo de transcorrido este tempo publicarase a lista definitiva nos medios sinalados anteriormente.

14.- PROTECCIÓN DE DATOS

Os datos persoais obtidos neste procedemento serán obxecto de tratamento pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento dos datos basease no cumprimento dunha tarefa en interese público ou o exercicio de poderes públicos segundo as normas de rango legal recollidas no apartado “normativa aplicable” dispoñible na ficha do procedemento en <https://sede.depo.gal>.

Os datos persoais obtidos neste procedemento serán obxecto de comunicación ás Administracións públicas no exercicio das súas propias competencias ou cando sexa necesario para que os cidadáns poidan acceder de forma integral á información relativa a unha materia.

As persoas interesadas poderán acceder, rectificar e suprimir os seus datos, así como exercitar outros dereitos ou revogar o consentimento segundo o previsto en <https://depo.gal/protección-dedatos/exercicio-de-dereitos>.



Venres, 14 de xaneiro de 2022

Núm. 9

*ANEXO I**A. CRITERIOS DE SELECCIÓN DAS PERSOAS BOLSEIRAS*

É condición imprescindible para poder realizar a mobilidade que o alumnado sexa maior de idade e teña aprobados todos os módulos do ciclo medio, incluído o módulo FCT, antes do inicio do período de mobilidade.

Establécense os seguintes criterios no baremo. A nota final obterase da suma das puntuacións dos seguintes apartados:

1. Adecuación da titulación e do perfil da persoa candidata (ata un máximo de 3 puntos)
2. Expediente académico (ata un máximo de 2 puntos)
3. Coñecemento de idiomas (ata un máximo de 2 puntos)
4. Méritos (ata un máximo de 1 punto)
5. Entrevista persoal (ata un máximo de 2 puntos)

O proceso selectivo supervisarao o xefe do Servizo de Promoción do Emprego e Desenvolvemento Local da Deputación de Pontevedra (ou a persoa na que delegue).

No caso de empate, os criterios de desempate serán, por esta orde:

- Maior puntuación no expediente
- Maior puntuación no coñecemento de idiomas

No caso de continuar co empate, o desempate determinarase por decisión do centro educativo.

1. ADECUACIÓN DA TITULACIÓN E DO PERFIL DA PERSOA CANDIDATA (ata un máximo de 3 puntos)

Valoraranse, ata un máximo de 2 puntos, a motivación, a autonomía, a madurez, o compromiso co programa, a responsabilidade, a flexibilidade e as habilidades comunicativas.

Valoraranse a actitude nas clases e a asistencia regular ao ciclo cursado, ata un máximo de 1 punto:

<i>Asistencia a máis do 90 % das clases lectivas</i>	<i>0,5 puntos</i>
<i>Asistencia igual ou inferior ao 90 % das clases lectivas</i>	<i>0 puntos</i>
<i>Ausencia de faltas de conduta</i>	<i>0,5 puntos</i>
<i>Existencia dalgunha falta de conduta</i>	<i>0 puntos</i>



Venres, 14 de xaneiro de 2022

Núm. 9

2. EXPEDIENTE ACADÉMICO (ata un máximo de 2 puntos)

Valorarase ata un máximo de 2 puntos, calculando a media aritmética das cualificacións obtidas no ciclo formativo de grao medio dos cursos finalizados:

<i>Puntuación numérica</i>	<i>Puntuación non numérica</i>	<i>Baremo</i>
<i>Do 6 ao 6,99</i>	<i>Aprobado</i>	<i>0,5 puntos</i>
<i>Do 7 ao 8,99</i>	<i>Notable</i>	<i>1 punto</i>
<i>Do 9 ao 10</i>	<i>Sobresáinte</i>	<i>1,5 puntos</i>
	<i>Matrícula de honra</i>	<i>2 puntos</i>

Non se terán en conta as cualificacións validadas.

3. COÑECEMENTO DE IDIOMAS (ata un máximo de 2 puntos)***3.1 TITULACIÓN DE INGLÉS**

Polo certificado oficial da Escola Oficial de Idiomas ou equivalente legalmente homologado, ata un máximo de 2 puntos.

<i>A1</i>	<i>0 puntos</i>
<i>A2</i>	<i>0,5 puntos</i>
<i>B1</i>	<i>1 punto</i>
<i>B2</i>	<i>1,5 puntos</i>
<i>C1 ou C2</i>	<i>2 puntos</i>

Non se terán en conta as titulacións de nivel inferior que levaron a adquirir outra de nivel superior.

Sen certificado oficial: realización dunha proba de nivel (oral) por parte do persoal de linguas do centro educativo, puntuable ata un máximo de 1 punto.

3.2 Baremo dun segundo idioma

Valorarase o coñecemento doutro idioma cun nivel mínimo de A2 e con acreditación de certificado oficial, ata un máximo de 2 puntos.

<i>A2</i>	<i>1 punto</i>
<i>B1, B2, C1, C2</i>	<i>2 puntos</i>

*A puntuación máxima que se pode obter nos apartados 3.1 e 3.2 é de 2 puntos.

4. MÉRITOS (ata un máximo 1 de punto)

Valorarase con 0,5 puntos cada título de formación profesional de grao medio diferente ao que lle dea acceso á mobilidade, ata un máximo de 1 punto.



Venres, 14 de xaneiro de 2022

Núm. 9

5. ENTREVISTA PERSOAL (ata un máximo de 2 puntos)

Valoraranse ata un máximo de 2 puntos as habilidades comunicativas e sociais suficientes para desenvolverse en contornos distintos aos habituais. Valoraranse a acreditación de pertenza a calquera tipo de ONG ou a participación en programas de voluntariado, o interese, a madurez, a iniciativa etc.

Con independencia do anterior, todos os criterios poderán ser valorados con puntuación cero no caso de que o comité de selección constituído en cada centro educativo o considere oportuno. Neste sentido, incluso no caso de que unha alumna ou alumno cumpra os requisitos formais para o acceso a unha das prazas para realizar unha mobilidade Erasmus+, as e os membros do comité de selección de cada centro de FP poderán denegarlle directamente o dereito sen máis trámite no caso de que estimen que non cumpre os criterios mínimos para a súa realización en canto a conduta, comportamento, contorno, motivación, factores educativos, traxectoria, actitude etc.

B. CRITERIOS DE SELECCIÓN DO PERSOAL DOCENTE

Establécense os seguintes criterios no baremo. A nota final obterase da suma das puntuacións dos seguintes apartados:

- 1- Interese, motivación e compromiso cos proxectos europeos (ata un máximo de 1 punto)
- 2- Antigüidade no centro educativo (ata un máximo de 2 puntos)
- 3- Coñecemento de idiomas (ata un máximo de 3 puntos)
- 4- Méritos (ata un máximo de 2 puntos)
- 5- Entrevista persoal (ata un máximo de 2 puntos)

O proceso selectivo supervisarao o xefe do Servizo de Promoción do Emprego e Desenvolvemento Local da Deputación de Pontevedra (ou a persoa na que delegue).

No caso de empate, os criterios de desempate serán, por esta orde:

- Maior puntuación en antigüidade no centro
- Maior puntuación no coñecemento de idiomas

No caso de continuar co empate, o desempate determinarase por decisión do centro educativo.

1- INTERESE, MOTIVACIÓN E COMPROMISO COS PROXECTOS EUROPEOS (ata un máximo de 1 punto)

Valorarase ata 1 punto o compromiso que ten a persoa solicitante cos proxectos europeos nos que participa o centro, a motivación para facer a mobilidade e a iniciativa para propoñer melloras na metodoloxía e currículo do centro.



Venres, 14 de xaneiro de 2022

Núm. 9

2- ANTIGÜIDADE NO CENTRO EDUCATIVO (ata un máximo de 2 puntos)*

<i>Igual ou inferior a 6 meses</i>	<i>0,5 puntos</i>
<i>Máis de 6 meses e menos de 1 ano</i>	<i>1 punto</i>
<i>Máis dun ano</i>	<i>2 puntos</i>

* A puntuación máxima que se pode obter neste apartado é de 2 puntos.

3- COÑECEMENTO DE IDIOMAS (ata un máximo de 3 puntos)***3.1 TITULACIÓNS DE INGLÉS**

Polo certificado oficial da Escola Oficial de Idiomas ou equivalente legalmente homologado, ata un máximo de 2 puntos.

<i>A1</i>	<i>0 puntos</i>
<i>A2</i>	<i>0,5 puntos</i>
<i>B1</i>	<i>1 punto</i>
<i>B2</i>	<i>1,5 puntos</i>
<i>C1 ou C2</i>	<i>2 puntos</i>

Non se terán en conta as titulacións de nivel inferior que levaron a adquirir outra de nivel superior.

Sen certificado oficial: realización dunha proba de nivel (oral) por parte do persoal de linguas do centro educativo, puntuable ata un máximo de 1 punto.

3.2 BAREMO DUN SEGUNDO IDIOMA

Valorarase o coñecemento doutro idioma cun nivel mínimo de A2 e con acreditación de certificado oficial, ata un máximo de 1 punto.

<i>A2</i>	<i>0,5 punto</i>
<i>B1, B2, C1, C2</i>	<i>1 punto</i>

*A puntuación máxima que se pode obter entre os apartados 3.1 e 3.2 é de 3 puntos.

4- MÉRITOS (ata un máximo de 2 puntos)

Valorarase con 0,5 puntos cada título de formación profesional de grao medio/superior ou titulación universitaria a maiores do que lle dea acceso ao posto de traballo, ata un máximo de 2 puntos.



Venres, 14 de xaneiro de 2022

Núm. 9

5- ENTREVISTA PERSOAL (ata un máximo de 2 puntos)

Valorarase ata un máximo de dous puntos o compromiso pola integración das experiencias adquiridas na mobilidade docente, a iniciativa para propoñer vías de mellora no centro educativo, a iniciativa para a busca de entidades das que poder aprender e aplicar novas metodoloxías.

Tamén se valorará na entrevista a planificación docente posterior de cara a difundir o aprendido na mobilidade no centro educativo e beneficiar a toda a comunidade educativa.

Os centros educativos deberán aplicar os criterios detallados anteriormente e deberán seguir o procedemento descrito na seguinte táboa:

TRAMITACIÓN DE MOBILIDADES	
FASES DO PROCESO	PROBA DOCUMENTAL
<i>Publicación da convocatoria co prazo de presentación de solicitudes</i>	<i>Publicación na páxina web e/ou no taboleiro de anuncios</i>
<i>Criterios de selección do alumnado/persoal</i>	<i>Publicación na páxina web e/ou no taboleiro de anuncios</i>
<i>Lista provisional de persoas admitidas e excluídas</i>	<i>Publicación na páxina web e/ou no taboleiro de anuncios</i>
<i>Apertura do período de alegacións</i>	<i>Publicación na páxina web e/ou no taboleiro de anuncios</i>
<i>Lista final de persoas admitidas e lista de agarda</i>	<i>Publicación na páxina web e/ou no taboleiro de anuncios</i>
<i>Actas de selección</i>	<i>Modelos de actas cubertos que proporciona a Deputación de Pontevedra</i>

Unha vez rematado o proceso, os centros educativos deberán enviar á Deputación de Pontevedra as evidencias documentais de que seguiron estas fases xunto coas actas de selección por correo electrónico ao seguinte enderezo: mobilidade.fp@depo.es . Aceptaranse fotografías, capturas de pantalla ou documentos escaneados.”

2.- Publicar as bases reguladoras e convocatoria no Boletín Oficial da Provincia de Pontevedra e na web institucional.

Documento asinado dixitalmente á marxe.

Contra este acordo que pon fin á vía administrativa poderá interpoñerse recurso potestativo de reposición ante a Presidencia, no prazo dun mes, a partir do día seguinte ó desta notificación (artigos 123 e 124 da Lei 39/2015, de 1 de outubro, do Procedemento Administrativo Común das Administracións Públicas) ou ben directamente recurso contencioso – administrativo ante o Xulgado do Contencioso – Administrativo de Pontevedra, no prazo establecido no artigo 46 da Lei 29/1998, de 13 de xullo Reguladora da Xurisdición Contencioso – Administrativa. Todo isto sen prexuízo de que poida ser utilizado calquera outro recurso que estime conveniente.

**PROMOCIÓN DO EMPREGO E DESENVOLVEMENTO LOCAL (EXPEDIENTE).-
NOVAS TECNOLOXÍAS (SEDE ELECTRÓNICA).- BOPPO.-PÁXINA WEB.**

Pode verificar a integridade deste documento no seguinte enderezo:
<https://sede.depo.gal>
Código seguro de verificación:F18HWJ8HB69AWFSV

